



3

Тюхчаравсса зиярат



4

Ттизаманнул хариджитътал



6

Аллагънайн мютГиймур ягу Иблислух вичИ дирхъумур?



НА ЛАКСКОМ ЯЗЫКЕ

БУСУРМАННАЛ РУВХИАНИЙССА ККАЗИТ

БИСМИЛЛАГЫ ПРАХИМАНИ ПРАХИМ

Ххирасса уссурвал ва ссурвал!

Дагъусттаннал аьлимтурал чулуха, Дагъусттаннал Бусурманнал Рувханийсса Идаралул зузалтрал чулуха ва ттула цания, барчатсса хъуннав тий ура цусса 1431-чинмур шин!

Цусса 1431-чинмур шин хъуннав зун тйайла бацйу бусса, хъиншиврул ва ххаришиврул дурцусса, дакнийсса мурадлайн бивсса.

Иман цаькъ даврийхчин, Аллагъначан гъан хъуну, Кланан ххира хъунсса шин хъуннав. Омур, бунагъру, лухисса дардру ларгсса шинаву личаннав. Омур хъама битансса ххаришиву ялун дияннав.



Аллагъу Тааьланал рахиму-цимий бишиннав цинявпагу бусурманнай дунияллий ва Ахиратраву.

Зуяту дуаь дуллалисса, Дагъусттаннал Бусурманнал Рувханийсса Идаралул председатель, Дагъусттаннал муфтий Ахмад-хIажи АБДУЛАЕВ

Хъаннил дяъват

Дагъусттаннал Бусурманнал рувханийсса Идаралуу уттигъанну тиртгунни хъаннил дяъватрал отдел. Му отдел душиву чIявуссажувла ссурвавракIулли, амма къакIулмийгу чансса бакъар. Ва отдел зий душиву цинявннан кIул баншиврул, уттигъанну жул корреспондент хъуна авкъунни вайннал хъунмур Айшат-хIажи НурмухIаммадовашал.

- Айшат-ХIажи, буси зулла отделлания, зий та байбивхъуру, ци даву дуллай буру?

- Дагъусттаннал Бусурманнал Рувханийсса Идаралул хIарачатрайну жу гъашину гъинттул байбивхъуру жулва билаятрайсса хъаннил дянив Исламрал чулухуннайсса даву дуллай.



» 6

Машина бачин баврил адабру

Аллагъу Тааьланал аьрци ляхъан дуркун, инсантал ляхъан бувссар ва аьрщарай ялапар хъананшиврул. Ахиратраву талихI буминнавух хъуншиврул оьрму цукун бутан аьркинссаривгу Аллагънал лахъхьин бувссар.

МухIаммад Идавсил бувчин бувссар, цумур тагъардануву ци дуллан аьркинссарив, амма цанансса чIумал лагмасса техникалул ва машинарттал чIявушиврул цаний дуссарив, ягу водительтурал ургъил бакъашиврул цаний дуссарив, хъинну чIярусса аварияртту хъанай дур. Мунин бувну, Къуръанналийн ва **Идавсил** суннатрайн бувну, автомобиль ишла баврил, бачин баврил адабирттая бусанну, иш ша Аллагъ.

Цинявпагу водительтуран кIулу бикIан аьркинссар, цалва ургъил бакъашиврул цаний хъунмасса бала хъун бюхъайшиву ва мунихсса жаваб ва дунияллий дакъасса, Ахиратравугу дикIантишиву.

Машина бачин байминнаву чIявусса бур мудан чуннив анаварсса, рахIатну бачин къабюхълахъиссагу. Цанансса чIумал ласакъа лирчIсса хъами ва ятинсса оьрчIру чIяву шаврил хъунмур аьйгу миннайри.

Аллагъу Тааьла Къуръанналуу тий ур (мяъна): «Вил ялун

оьккимур бияврил аьй вийра дуссар» (сура ан-Нисаъ, аят 79). **«Зуйн бала бивхъурча, му зулва аьмаллал цанийри бивсса»** (сура аш-Шура, аят 30).

Мунин бувну, жува адаб дурурчуну бикIарча, Аллагънал жува балардаща буруччинтIиссару. Мукунсса чIумал Аллагънал жуйнма бала гъан барчагу, му Ахиратраву рахIматну лякъинтIиссар, муних жаваб дулунгу къабагъантIиссар.

Утти машина бачин баврил адабирттая бусанну. Гай адабру биттур дурма, Аллагънал оьмунища уруччинтIиссар, **ин ша Аллагъ.**

1. Машина бачин бан лахъхъайсса кIанай дуклакисса чIумал, му дуккаврих хъинну хъуннасса къулагъас дан аьркинссар. Жула **Идавсил** уккуссар: **«Аллагънал лагъ ци-дунугу ца даву дуллай ухъурча, Аллагънал мунал му даву камилну, щаллуну дурну ччиссар»** (Байгъакъи).

2. Шофернал буржри цинягдагу машина бачин баврил низамру биттур дуллан. **Идавсгу** жухъва буслай ур, ци-дунугу ца санятраха зий ухъурча, мунивусса низам биттур дан аьркиншиву. Ми низамру биттур къадурнан Аллагънал хъхъичI жаваб дулун багъантIиссар. » 3


Гъази аль-ХIусайнинал «МатIалиоьль-Жумгъур»

(дайдихъу хъхъичIмур номерданий)

Лухччи ляхъан даврил бусала

Аллагънал лухччи ляхъан дурссар ххуллун къини, зунттурду – алхIат къини, мурхъру – итни къини, цаншиву – тталат къини, нур – арвахI къини, гъатара – хамис къини, Адам Идавс – нюзмар къини. Ялагу тий бур Аллагънан лухччи ляхъан дан ччан бивкIукун, мурчайн буюр бувну цинайх бищияра куну, цинайх цатив бишлаши бувну, хъама ялув дирхъуну, хъамарал кIяласса хъунмасса бакIу хъуну, аьрци хъуссар. Яла Аллагънал къудратрайну цин чан хъанай, хъама хъун хъанай, лагма цин лирчIун, лухччи щинал дянив бавцусса ттуп кунна лирчIун дур. Ялагу тий бур, лухччинул манзил ххюттуршра шинал ххуллу буссар тий. Миннуяту шанттуршра шинал ххуллу хъхъиригдахъ, зунттурдахъ буссар тIар, ттуршра шинал ххуллу халкъуннахъ буссар тIар, ттуршра шинал ххуллу харабну, цуцIав акъа буссар тIар.

Ялагу тий бур, дуниял арулва бутIуйх дарчIуссар тий. Ца бутIа туркнахъ буссар, ца бутIа аьрабнахъ, ца бутIа фарисуллахъ, ца бутIа суданнахъ, шанма бутIа



яъжуж-маъжужтурахъ. Лухччинул зумарду мукъра дуссар, чулухаллурду мукъцаллий ххюра дуссар. Шагърурду, къаларду къуния ца азалий ряхттуршва буссар тIар. Хъхъирирду къуния урчIва буссар тIар, миннул хъунимий арулва буссар. Зунттурду ттуршлий урцIаллий мйява буссар. Миннуяту цаппара машгъурссагу буссар. ХъхъичIва-хъхъичI лухччиний бивкIсса зунтту - Маккал-

лал Абу-Къубайс тIисса зунтту ва Къаф зунттури. Миннуяту гъарца зунттуин мархри итабавкъуну буссар. Жуди тIисса **НухIлул** жами бувчIсса зунтту, Мавсил тIисса шагърулул зунттурдаятури тIар. Рагъун тIисса зунтту – **Адам** Алжаннавату уккан увну мунийн увчIсса зунттури. Мугу Гъиндулал вилятрал лагмавагу буссар. Сарандибуллал ратIнийн бивхъуну буссар. » 5

» 5

Аьлимтурал мажлис.

Декабрь зурул 5-нний Махлачкьалалив Саэд-Афандинал (кь.с.) ціанийсса мизитраву ярглийсса Дагьусттаннал аьлимтурал мажлис хьунни. Шиккун бувкїсса машгьурсса аьлимтал бия буслай жагьилтал тарбия баврия, элму лахьхаврия ва мукунма цаймигу агьамсса бусурманнал оьрмулуну хьуна бакьайсса масьаларттая. Укунсса мажлисирттайн бувкїсса бусурманнал элму, кїлшиву чїяру шаву дакьасса, куннашал-ку хьуна бавкьуну, цашиву цаькь дан бюхьлай бур.

Цалчин махь лавхьунни Дагьусттаннал Рувхїанийсса Идаралул зузала **Шабан-хїажи Рамазановул**. Ванал бувсунни укунсса мажлису, хьунабакьавуртту даврил агьамшивруя. **Зайнулла-хїажи Хїамзатовул** бувсунни гьарца бусурманчунан цува аькьайкїншиврул цания-ца мазгьабрал ххуллу бувгьуну ачин аьркиншиву.

Мукунма аьлимтурал бувсунни кулпатрал багьу-бизулия, цила чїумал, махьун кьабувтун кулпат баврия. «**Чяни царсса дуцаву – Идавсил суннатри**», - увкунни Рувхїанийсса Идаралул дявватрал отделданул зузалал. «**Цїанасса чїумал жулва жагьилтурал му суннатрах дагьайсса кьулагьас дайсса диркїссания, зуна баву укун чїяву хьуну кьабикїанссия**». Аьлимтал бия бусурманнахь кулпат бан анавар буккїяра тїий, оьвчаву дуллай. **Идавсил** хїадис буссар, кулпат кьабувма, аваданчунан хїсав кьаайсар, тїисса.

Хїакьинусса кьини бусурманнал хьхьичї бавцїусса масьаларду щаллу булланшиврул, жунма чара бакьа элму лахьлан аьркиншиву чїалай бур. Мунин бувну, www.svetislama.ru тїисса сайтрал редак-



тор **Абубакр Дацевул** бувсунни, Ислам машгьур давриву интернет ишла даврия. Ванал увкунни: «**Ца инсан Аллагьнал ххуллийн тїайла аву ва щалла дунїяллуяр ххирассар. Хїакьинусса кьини Аллагьу Тааьлнал жунма чїявусса неьматру буллуну бур. Исламрал дявват буллан ччимур куццуй бюхьлай бур. Масалдаран, хьхьичїва инсантурахь вяьза баншиврул шагьурдайх ва шярваллавах занан багьлай бивкїхьурча, цїана му вяьза цал бувкуну, телевидениелувух, радиолувух, интернетравух итабакьин бюхьлай бур. Цанма гьира бусса суаллу булун ччиминнан жу цїусса «Исламрал Чани» тїисса сайт зузи дуварду. Ва сайтравун увххун ччиманаща бюхьантїиссар Исламрацїун бавхїусса статьярдуну чичлан ва суаллу буллан».**

Мажлисрал ахирданий циняв бавтїминнал дуаь дурунни. www.islamdag.ru

Хїажлив ахьтта

Ттуршлий ацїния майва гьантлуд дянив ряхазарда километрагу риртун, Чачаннавасса Абу Бакр Шейхов ахьтта хїажлив лавгунни.

90-ку шиннардий дяввилуву ванал нину, ппу, щарсса ва шама оьрчї ливтїуну бур, мукьулчинма оьрчї – **Шариф** захїматну кьашай хьуну ур. **Абу Бакрдул-гу** оьрчї хьин хьурча, ахьтта хїажлив гьан-

на тїисса нийят дурну дур. Мунїя махь **Шариф** хьин хьанан ивкїлун, ппу хїадур хьанан ивкїлун ур хїажлив ачин.

Абу Бакрдул цащалла сапарданийн ларсун дур ттархь, мякь леххан бансса щинал шушри, виргьан, цїусса усру, телефон ва Кьурьан. Маккалив иянинн ва ахьтта лавгун ур Дагьусттаннайх, Азербайджаннавух, Турциянавух, Сириянавух ва Иорданиянавух. Хїаж бувну кьуртал хьувкун шавайгу ахьтта авчуну ур.

www.islamnews.ru



Миналивсса мавлуд


Ноябрь зурул 29-нний хїажливсса Мина тїийсса кїанттаву мавлуд дурунни. Шиккун бувкїлун бия щалагу Аьрасатнавасса хїажитал.

Укунсса мажлису баву Аьрасатнава хїажлив бувкїсса бусурманнал аьдатравун багьну бур. Мажлис бачин бувну ия Казбековский райондалул имам **Казим-хїажи Темирбулатов**. Шиккун бавтїминнал хьхьичї махь лавхьунни машгьурсса аьлимтурал: **Мухїаммад-хїажи Аьбдурахїманов**, Унцукуллал райондалул имам **Мухїаммад-хїажи Аьбдулгьафуров**, «Нур-ул-Ислам» кказитрал редактор **Мухїаммад-хїажи Хїажиев** ва цаймигу. Цалва вяьзардаву аьлимтал хїаж баврил адабирттая буслай бия. Мавлудрал ахирданий бавтїминнал такбиргу бувккуну, дуаь дурунни, Аллагьнахь цинявннал хїаж кьамул баву ва барачат бишаву чїа тїий.

www.islamdag.ru



Минарарду буллан кьадагьа дирхьунни



Европанал хїукуматирттава Исламрайн кьаршїсса даву дачин давриву цалчинмур кїанайн махь ппурттуву Швейцария бувккунни.

Уттигьанну шикку хьусса референдумраву гьуртту хьуминнава 57% инсантурал минарарду кьабаврихлу чїурду бивчунни. Швейцариянаву хїакьинусса кьини 150-200 мизит бур, миннива чїявумий мюрцїсса чак бай кьатри. Ва хїукуматраву ялапар хьанахьїсса бусурман личїну ялун багьну цїусса мизитру, минарарду буллансса сант дутлайгу бакьая. Цинявгу бусурманнан му иш хьинну кьаччан бикїансса бур, бусурманнай тїивтїуну зулму баву хьанай бур. Минарарду укунмасса учай махь бушиву чїалай бур. Вайннал цалва чїурду минарардайн кьаршїну кьабивчунни, щалагу Исламрайн кьаршїну бивчунни. **Цукунсса хїилларду дулларчагу, Ислам щїщачїав духлаган дан кьахьунтїиссар!**

www.islamdag.ru

Ххюннава ца – хїафиз

Ливиянаву щалва Кьурьан дакїних кїулсса хїафизтал ца миллиондалийн бивсса бур. Ва хїукуматраву укунсса инсантурацїансса хїурматгу хьинну хьун-

Хїурмат-кьадру баву бакьасса, Ливиянавусса хїафиз институт бувккунанашал ца даражалий итлай ур, муна 16 шин духьурчагума.

Профессор **аль-Шариф** тїий ур: «**Жул дуссия чїун, хїафизтурал дарсру зунттаву ягу кьундалул авлахьирттай дїхьлахьїсса, вайннах хїукуматрал чулу-**



масса бур. Хїукуматрал хьуниминнал хїафизтуран бюхьайсса кумаг буллай бур, ляличїїйсса дипломру буллай бур. Ва ишираву хьунмур хїарачат бур мадрасардал ва мизитирттал имамтурал.

Ливиянавусса Исламрал дявватрал институтраву зузїсса профессор **Мухїаммад Ахїмад аль-Шарифул** бусаврин бувну, цїана Ливиянаву щалва Кьурьан дакїних кїулмїй ца миллиондалийн бивсса бур, мукунма бачїи ва мукьва бутїул ца бутїа дакїних кїулмигу чансса бакьар.

ха личїїсса кьулагьасгу кьадїкїайва. Мукун буссия 1969-ку шинал революция хьуннин».

Ливиянал «щїолїїсса революциялуд» бакїчи **Муаммар Кадафинал** хїафизтурал харжру хьинну мюрцїсса бушиву кїул хьувкун, увкуну бур: «**Жулва буржри Кьурьан дакїних кїулминнаха хїурмат буллан, миннал харжру университет бувккунаналмунїяра ялавїїсса бикїан кьааьркинссар».**

www.islamdag.ru

Кьалиян учаву дацїан дан

Тїивтїусса, инсантал бусса кїанттаву кьалиян учин кьадагьа дирхьусса бусурманнал хїукуматирттава шамулчинмурну хьунни Сирия. Вайннал президент **Башар Асадлул** вай гьантрай мукунсса амру бувунни. Ванияр хьхьичї Турциянаву ва Иорданиянавугу мукунма кьалиян учаву дацїан дансса хїукмурду бувунни. **Асадлул** бувсса хїукмулуну багьлай бур жамїтїїсса транспортраву, ресторанава, азарханарттаву, кинотеатрдаву ва хїукуматрал идарарттаву кьалиян учаймїй. Кьадагьа дирхьусса кїанттаву кьалиян увкуманай аьчїа дїхьлай дур кїазарда сириянал фунт.

Жунма ххуйну кїуллї кьалиян учаврил инсанал цїуллу-сагьшиврунгу, динна-



лунгу хьинну хьунмасса зарал биян буллай бушиву. Амма кїулну бунугу, чїявусса инсантал бур му хасїят кьаритан кьабюхьалахьїсса. **Аллагьнал жунма кумаг баннав Шариаьтрацїун кьадаркьусса хасїятирттая арх хьуну, марцїсса динналул ххуллийх бачин. Амин!**

www.islam.ru

Ттизаманнул хариджитътал

АхІмад Абдурашидов

Жула **Идавсил** 𐤆𐤃𐤃𐤃𐤃 бусурманнал уммат цайми идавстурал умматру кунма, кьокърайх бачинтишиву. **Идавсил** 𐤆𐤃𐤃𐤃𐤃 увкуну бур: «**Жугъутиял уммат 71 кьокълуйх бавчуссар, хачпарасналсса – 72 кьокълуйх бавчуссар, ттул уммат 73 кьокълуйх бачинтиссар, миннивацца, яла хъуннамур Алжаннавун гъантиссар, гайми Дуржагъравун багъантиссар**». (Табарани «Муджамуль-Кабир», т. 8, с. 274; Ибн Маджагъ «Сунан», №3992, 3993; Дарим «Сунан» т. 2, стр. 314).

Ва хладисрайну **Идавсил** 𐤆𐤃𐤃𐤃𐤃 жунма бувчин бувссар чявуми бусурман нанисса диндалул ххуллийх бачин аьркиншиву. Бавцусса хладисраву увкуну бур: «**ХІакъну, Аллагънал 𐤆𐤃𐤃𐤃𐤃 ттул уммат бйакъусса ххуллий цацлун къабантиссар, ва хІакъну чявуми бусурманнащал Аллагънал 𐤆𐤃𐤃𐤃𐤃 кумаг буссар, бусурманнал чявуминная личи хъума Дуржагъравунни нанисса**». (Тирмизи «Сунан», №2167; ХІаким «Мустадрок» №394, №396; Абу Нуайм «Хуля» т.3, стр. 37). Бусурманнал хъунмур бутлуя личи хъумий **Идавсил** 𐤆𐤃𐤃𐤃𐤃 лашан бувну бур гъухъалттуя личи хъуну, бурцлехъун биривсса тталуха. **Идавсил** 𐤆𐤃𐤃𐤃𐤃 увкуссар: «**Бурцил гъухъалттуя личи хъумур ттари букайсса**». (АхІмад «Муснад», т. 5, стр. 196; Абу Давуд «Сунан» №547).

Гъарзад жула **Идавсил** 𐤆𐤃𐤃𐤃𐤃 тий ивкссса куцуй хъуссар. **МухІаммад Идавс** 𐤆𐤃𐤃𐤃𐤃 ва дунияллия лавгун махъ куннил хъирив ку марцІса диндалул ххуллия дарккусса кьокъри дуклан диркиссар. Миннал лишангу ханахъиссар цалва щялмахъру тІайлану чІалачІи баншиврул Къурандалул аятру ва **Идавсил** 𐤆𐤃𐤃𐤃𐤃 хладисру ухчин лавайну бувчин буллалаву. Мунияту миннал чІумуцлун ягу кІанттуцлун къабавкъусса аятру ва хладисру буслан бикІайссар, ми баччан буллангу махъунмай къашайссар. Мукунма, цалва тІмуницлун бакъавкъусса аятриттах ва хладисриттах къулагъас къадувайссар.

Дуссар ца кьокъа, **Идавсил** 𐤆𐤃𐤃𐤃𐤃 ляличину кІицІ ларгсса ва Аллагънал 𐤆𐤃𐤃𐤃𐤃 ляхъан дурсса махлукъатрава яла оьккимийри увкусса. ХъхъичІва-хъхъичІ мукунсса инсантал бувссар **Али-асхІаб** халифсса чІумал. Миннайн хариджитътал учайсса бивкиссар. Миннал бйакъаврил цалчинмур сававгу хъанахъиссар Исламрал диндалул мяъна къадурчІаву. Мунияту **МухІаммад Идавсил** 𐤆𐤃𐤃𐤃𐤃 увкуссар: «**Ми диндалува личинтиссар, авлийн риртсса чІатІаракІ ца чулуха ганивун дурххун, гамур чулуха личайсса кунна**». (Бухари «СахІих», №5058; Муслим «СахІих», №1064). Авлийн риртсса чІатІаракІ ца чулуха дурххун гамур чулуха личайсса кунна, мийгу Исламравун бухханнинма мунива личайссар.

Ялагу миннал ца лишанну диркиссар рахІму-цІими бакъашиву. Мий бивкиссар машгъурсса асхІабтал, аьлимтал ссанчІав ккалли къабуллай, «джигъад» буллай буру тий, хъами ва мюрцІисса оьрчІру литІлай. **Джабир бин Абдуллагълул** бувсусса хладисраву бур: «**Даки хъиншиву дакъама барачатрацІа хъумари**», - увкуну. (Абу Давуд «Сунан» №4809; Табарани «Муджамуль Кабир», №2454; ибн Аби Шайба «Мусаннаф» №25303). **Абу Дардал** бувсусса хладис бур: «**Даки хъинсса инсан – барачатшиву думари, хъиншивруцІа хъума – барачатшивруцІа хъумари**». (Бухари «Адабуль-Муфрад», №464; Тирмизи «Сунан» №2013; Байгъакъи «Сунануль-Кубра», № 20587).

Жула ххирасса **МухІаммад Идавсил**

𐤆𐤃𐤃𐤃𐤃 хладисриттаву чІярусса хариджитътурал лишанная, хасиятирттая бувсун бур, мий Къиямасса Къини динаннин буклантисшивугу бувсун бур. «**Баргъ буккай чулуха буккантиссар цавай инсантал чІявуну Къуръан буккайсса, амма мунил мяъна миннал къакъартаяр яларай къагъантиссар. Ми динналува личлантиссар авлийн риртсса чІатІаракІ ца чулуха дурххун, гамур чулуха личайсса кунна, махъунмай занугу къабикІантиссар**». Яла **Идавсил** 𐤆𐤃𐤃𐤃𐤃 цала ка хъазамрай дирхъуну увкуссар: «**Миннал лишан – бакІ чартІи бавури, мий букай бух къалагантиссар, махъва-махъма укканнинцІа. Зунма мий ххал хъурча – литІяра, мий Аллагънал 𐤆𐤃𐤃𐤃𐤃 ляхъан дурмунива яла оькимийри**». (АхІмад «Муснад», №19798).



Хариджизмалул ххуллу бувгъумий хъхъичІвагу чансса къабивкиссар, цІанасса чІумалгу буссар. Аьлимтурал тІмунин бувну, вагъгабистал хъанахъиссар цІанасса чІумул хариджитъталну. Масъалдаран, ХІанафи-мазгъабрал машгъурсса аьлимчув **ибн Аьбидин** (1784-1836) цалва «Радду-л-Мухтар» тІса луттираву чичлай ур, Неждалий бувксса **ибн Аьбдул-Вагъгабллул** ххуллу бувгъумий, **АхІмад ибн ХІанбаллул** мазгъабраву буру тийнугу, ттизаманнул хариджитътал бушиву, цивппа бусурманну тий, ваймий чапурнан ккалли буллай, бусурман литІлан ихтияр дуллай буну тий. Мукунма чичлай ур Шафии мазгъабрал аьлим, Маклалал муфтий **Ас-Сайид бину Зайни ДахІлян** «Ад-Дурару-с-саният» тІсса луттираву, ва Малики мазгъабрал аьлимчув **АхІмад ас-Сави** Къуръандалул тафсирдаву. Вайннал тІутимур тІайласа бушиву тасттикъ буллай бур чІявусса **Идавсил** 𐤆𐤃𐤃𐤃𐤃 хладисриттал.

ХъхъичІра-хъхъичІ хариджитътал тІсса цІа дусса, Исламрал цашиву лян дуллалисса секта дурккун дур 657-ку шинал. Му секталу лишанну дусса инсантал **МухІаммад Идавсил** 𐤆𐤃𐤃𐤃𐤃 чІумалва бивкиссар. **Имам Бухарил** бувсусса хладисраву буслай бур ца чІумал **Идавс** 𐤆𐤃𐤃𐤃𐤃 цавай инсантурайх **Али ибн АбуТІалибллул** гъан дурсса муси дачІлай ивкІшиву. Мий щин дулун аьркинсарив **Идавсиял** хъинну щин кІулну бикІанссия? Му чІумал увкІун ур ца инсан вив бювкъсса оьсса яругу бусса, чІаврдал ттаркІругу, ненттабакІгу хъхъичІунмай ливчусса, лахъиса чІири ва чартІи бувсса бакІгу бусса,

хІажакрал гъарчалттугу лавай бавтІсса (бавцусса хладисраву бувсун бур, га инсан бану Тамим тІисса миллатраваса **Зуль-Хувайсира** ивкІшиву). Мунал **Расуллагънахгу** 𐤆𐤃𐤃𐤃𐤃 урувгун увкуну бур: «**Аллагъная нигъа увсун икІу, я МухІаммад!**» - куну. **Идавсилгу** 𐤆𐤃𐤃𐤃𐤃 увкуну бур: «**На Аллагънайн 𐤆𐤃𐤃𐤃𐤃 мютІий къахъурча, мютІиймавагу цумари? Аллагънал 𐤆𐤃𐤃𐤃𐤃 ттуйн вихшала дишай, инарав ттуй вихшала къадихълахъисса?**» - куну. Микку **Оьмар-асхІабллул** куну бур: «**Я Расуллагъ, ва мунафикънал бакІ рутан ихтияр дула тухъхъун**», - куну. **Идавсилгу** 𐤆𐤃𐤃𐤃𐤃: «**Къаити цува, акъахъурча, МухІаммад цалва лагма лавгмий литІлай ур тІисса хавар буккантиссар**», - куну бур. Яла га инсан лавгун махъ: «**Ванал наслулува буккантиссар инсантал, Къуръан кка-**

маннал бакІчитурайн къарши уккарчагу личІийшиву дакъассар».

Мукъулчинма халиф **Али ибн АбуТІалибллул** чІумал мунал ва **Муаввия бин Абу Суфьяннул** дянив хІукуматрал хъунама цума икІантиссарив бяст хъуну бивкиссар. Тамансса хІаллай цанийн къабукІлайгу бивкІун, миннал хІукму бувсар цайми кІия инсан бувцуну, Къуръандалийн ва **Идавсил** 𐤆𐤃𐤃𐤃𐤃 суннатрайн бувну хІукму бан. **Муаввиял** чулуха мунал кумагчи **Аьмр бин Аьсс** увкІун ур, **Али-асхІабллул** чулуха – **Абу-Муса Ашари**. Му ишираву хІукму бувну махъ **Али-асхІаб** цалва аьралуннащал Сиффин тІисса кІанттаава Куфалийн зана ивкІун ур. Шагърулувун буххавайса чІумал, Харура тІисса кІанайн бивукун, мунал аьралунная 12 азара инсан личІий хъуну, Куфалувун **Али-асхІаблуш**ал къабухханну тий бавцІуну бур. Мунияту миннайн цал «**харуритътал**» учайсса бивкиссар. Гай бивкІсар цалва дянив маслихІат бан инсантал бивтун тий **Али-асхІаб** ва **Муаввия** Исламрава бувкиссар, куфрулувун багъссар тий. Гай бивкІун бур «**ХІукму Аллагъналли бувайсса, инсантурал къабайссар**», - тий. Али ибн АбуТІалиб **Идавсил** 𐤆𐤃𐤃𐤃𐤃 куявгу, ссурахъугу ушиву кІулну бунугу, Алжаннавун гъантисшиву бувсусса асхІабтуравацца ушиву кІулну бунугу, мунал хъирив бачин **Идавсил** 𐤆𐤃𐤃𐤃𐤃 амру бувну бунугу, миннан ламус хъуну бакъар халифнай аьй ришун. Мий 12 азара инсан усса кьокълул бакІчиталгу бивкІсар **Ибн аль-Кава яль-Яшари** ва **Шабас ат-Тамими**. Миннава чІявуминнан дакІних Къуръан кІулну бивкиссар тийгу бур.

Миннан цивппа бйакълай бушиву ккаккан баншиврул **Али-асхІабллул** амру бувну бур циняв Къуръан дакІних кІулмий цацІанма батІин. Миккун бавтІминнал халифнал хъю дурцІуну диркІун дур. Яла Къуръандалул лу лавсун бучІангу бувну, **Али-асхІабллул** увкуну бур: «**Я Къуръан! Ина буси халкъунахъ!**» - куну. Му чІумал миккун бавтІмий: «**Я Амируль-муъминин! Му так щекилул чичру дусса чагъарди! Ина жухъ цІухха, жу вихъ бусанну миву бумур**», - тІун бивкІун бур. **Али-асхІабллул** увкуну бур: «**Ттул ва тайннал (Муаввиял ва мунал чулийминнал) дянив хІукму буллалиссар ва луттирал. Аллагъ 𐤆𐤃𐤃𐤃𐤃 къуръандалува тий ур (мяъна): «Ласнал ва щарнил дянив бакъакъаву душиву кІул хъурча, зу гъан увара ца инсан ласнал гъанминнавасса, ца инсангу щарсанил гъанминнавасса. Ми кІиннанмагу дакІыл хъун чай бухъурча, Аллагънал 𐤆𐤃𐤃𐤃𐤃 миннан рязишиву дулунтиссар**». ХІакъну, **МухІаммад Идавсил** 𐤆𐤃𐤃𐤃𐤃 умматрал оьтту ласнал ва щарссанилнияр ххишаласса буссар, умматрал даражагу ласнал ва щарнилнияр лавайссар. Ялагу мий (хариджитътал) ттуй аьй дуллай бур, **Муаввиящал** дурсса икъралданий къулбас дувайний на «**Бусурманнал Амир**» къачивчуну, «**Али ибн АбуТІалиб**» чивчуну тий, мунияту на амиршивруя махъунай хъуссара тий. ХІакъну, **Идавсил** 𐤆𐤃𐤃𐤃𐤃 къурайштуращал икърал дуллалисса чІумал «**Аллагънал Илчи**» къачивчуну, «**МухІаммад бин Абдуллагъ**» чивчуссия. **Аллагъ Тааьла 𐤆𐤃𐤃𐤃𐤃 Къуръандалува тий ур: «ХІакъну, Аллагънал чирилийн хъул бивхъуминнан ва Къиямасса Къинилия нигъа бувсминнан Идавсиву 𐤆𐤃𐤃𐤃𐤃 хъуннасса эбратшиву дуссар**».

Укунсса мисалданийну **Али-асхІабллул** цайра аьй рищаву батІулсса душиву ккаккан бувссар. («Аль-Бидаят ва-н-Нигъаят», т.7, стр 256-257).

(гІухунмайгу буссар)

Хъаннил дяъват

1 « Жу хъьичи вагу му даву дуллай буссияв, ДУМД-рал отдал кунма личи буну бакъанугу. Жул кураторну ивтунни канонический отдалданул хъунама **Хлабиб-хлажи Маматханов**. Дуллалисса даврия тлурча, жул хъунмур мурад – хъаннин Шариатрал канна ккаккан дурсса ялувшиннарду клул даву, жула дин лахъхин даву, цалва оърму динналуцун бавкъуну бутан лахъхин бавури. Исламрал исвагишину жулва ссурвавран клул даву хъинну агъамсса иш хъанай бур.

- Зул отдалдануву цими инсан зий ур?

- Жул мудансса зузала так шама уссар, амма жун кумаг буллалимий чявусса бур. Жу члун-члумуй буллалисса мажлисиртай, хъунабакъавурттайн, кумаг бан ряхцалуннийн бивсса Дагъусттаннал Исламрал Университетраву дуклакисса душру бучай. Ми циняв цал архлал къабучарчагу, жун минния хъунмасса кумаг хъанай бур. Миннал хъаннихъ лекциярду буккай, въязарду бувай, суаллахъхун жавабру дулай.

- Зува бувайсса мажлисирттая, лекциярдая буси, ми цукун бувару?

- Уттигъанну жу Буйнакслив мажлис буварду, Медицинский колледжраву. Миккун мукътуршуннийн бивсса хъами ва душру бувкунни. Укунса хъунабакъавурттай жу хъьичи ва хъьичи жулва хъаннил гъира бусса масъалардая бусан хларачат бувару. Хъаннил хъьичисса захматшивурттая, тавбалия ва цаймигу чявусса масъаларттая бусару. Въязарду буллай, хъаннишал хъуна-бакълай жулва республикалул шагърурдайх ва шярваллавул лагару. Хласил, гъашину ряхцалла Дагъусттаннал шярраву мукунсса мажлисру буварду. Гъарца алхлат кьини **Сайдмухаммад-Хлажи Абубакаров-лул** цанийсса фондрал къатраву хъаннинсса лекциярду бувайссар. Жул чларав хъинну бацлай «**Муслимат**» общество ва Теологиялул институт.

Му бакъассагу, телефондалувух оьвкуну (91-14-13), ягу электронный почталийхчин (**muslimatdumd@gmail.com**) хъаннища бюхантиссар канма ччисса диндалуцун бавхлуса суал булун.

- Зухъхун буллалисса суаллу чансса къабиклайхъунсар.

- Тйаламур бусан, хъинну чявусса суаллу булай. Жугу, жуцава шайкун, миннуйн тйаласса, шалусса жавабру дулун хларачат бувару, Аллагнал ﷻ цимилия хъунисса алимтуращал ца идаралуву зий бухъувкун. Чявуну хъами биклай араму-рахъхун суал булун нач хъанай бунутий жулчан оьвтлий.

- Жул буккултрахъ ци учин хъунсар?

- Цалчинма-цалчин жунна цинявнан Аллагнал ﷻ цакъсса Иман дулуннав. Инсантуран жулла дин дурчлаци даннав. Жулва салихисса буттахъал, ниттихъал диркисса иминшиву жувурагу хъуннав. Амин!

Ахлмат Амиров

Аллагнайн мютлиймур ягу Иблислух вичли дирхъумур?

(дайди хъьичимий номердай)

Светал Ислам къамул дуруна, амма цалсса чак буллай къабайбивхъуна ва мунил тлул-тлабиатраву цукунчавсса дахъанашивуртту хъанай дакъая. Ца члумал му ттулчан бувкун цувххуна:

- Чак цукун байссар?

- Чак кьинилун ххюйла бувайссар.

Гъарца чакливу дуссар цинна ккаккан дурсса ракаатру ва гъарца ракаатравугу дуссар дуккайсса дуартту. Масъала, клюрххил чак байссар баргъ букканнин, муниву клира ракаат дуссар. Ахттайн чакливу ва ахттакъун чакливу мукъ-мукъра ракаат дуссар. Марклаган чак байссар баргъ лавгун махъ, муниву шанна ракаат дуссар. Махъва-махъмур хъатлан чак байссар хъьувай, – учав на.

- Бучиссарив ттун цалсса так ца чак буллан? – цувххуна ганил.

- Хъинни, буллалу, – учав на, къанкъану «къабучиссар» учирча, га ниъга бувсун бувагу чак къабуллай къаличаншиврул.

- Клюрххил мукъссава ччяни бизан ттуца къабюхъанссар, ахттайнмай на дарсирдай биклайссара, ахттакъунмай ва марклаганмай на къатув гайз буллан биклара. Бучиссарив, хъьувай утту бишайний, му яла кутламур клюрххил чак буллан? – цувххуна Светал.

Я Аллагна! Инава ляхъан буминнай рахиму-цими байма ура Ина, тавба дурма тйаласса ххуллийн зана хъун аймагу Инара.

- Хъинни, булува клюрххил чак хъьувай, амма нийят дулува къабуну ливчисса клюрххил чак хъирив лахъан куну, – учав на.

Цаппара гъантрава ттул члахъувдуш Асият ва цаймигу динналул ссурвал шайхначлан вирд ласун бачин хладур хъанан бивклуна. Цацалва нану куну ттухъгу миннат бувуна. Светахъгу нану учинтиссарив, къаучинтиссарив ттисса суал бавцуна ттул хъьичи. Къабусарча – къаччан биканссар, бусарчагу – бюхъай къабувчин. На учав Асиятлухъ:

- Кланин къаччан къабиканшиврул, насу буси жува шайхначлан най бушиву. Жуцалва нану маучара. Цилва гъира бухъурча, бувчин банмур бува.

Цаппара хлаллава ттул нузайн къут куна, нузах бавцуно ттух буруглай бия Ася ва сси бивзсса Света.

- На зуцалва буцин циван ччай бакъару? – къаччан бивкисса члунишал цувххуна Светал.

- Щил увкур вихъ жун ина жуцалва буцин ччай бакъашиву? – махлаттал хъура на.

- Жува шайхначлан най бушиву клул шавривун, ва ххявххун вичлан бувкунни, – увкунни Асял.

- Нагу ччай бура шайхначлан бучан, – тлий къанкъану бавцуна Света.

- Хъинни, насу хладур хъанакъу. Асиятлул бусантиссар вихъ цукун хладур хъун аьркинсарив. Амма, клулну биклу шайхначлан лагаву – укунмасса гайз бакъар. Нийят диклан аьркинссар Аллагнахлуну ﷻ гъансса. Шайх – Аллагна ﷻ клул шаврил ххулийх жува бувцуну нанимари, мунияту муначлан зиярат бан ччишивруву дакнихтунусса нийят диклан аьркинссар. Шайхначлан бучайминнавух биклайссар

суфизмалиясса маъри бавсса инсанталгу. Мукунсса инсантурал цичлав мюнпааьт къаласайссар. Бумур барачатрацлагу хъуну, зана бикангума бюхъайссар. Муни буну, инава адаб дакъаминнавух къахъунмур бува.

- Ттун гъарзад бувчунни, на хладур хъанан гъанна, – куну, га рязину шаппай ливхъуна.

Жу шайхначан бувкुकун, ганал гъарца цуну бувкисса душнин вирд дуллуна, Светаннив чюнгу буллуна увкуна:

- Ина гъарца кьини клюрххил ва ахттакъунмай ттуршилва «**Ла илагъа илла Ллагъ**» улуча.



Ганил хлаллицлух ттуин ссюрхъ щуну увкуна:

- Шайхнал ттунна бусурманнал ца дирзуну ччива, бучиссарив?

Ганил тймур шайхнахъ бувсукун, ганил ца Мадина дирзуна.

Шайхнал къатлува бувкुकун, ганал шарссанил жу тйала буклакисса члумал, Светан бурчул плац дуллуна.

- Уттигъанну ца инсан ларсун увкунни щин-дунугу садакъалун дулуншиврул. Ттул пикирлий ва душнин дуллуна хъинни, – увкуна ганил.

Вана укун Светая Мадина хъуна. Ганил гъарца кьини шайхнал буллуца чюндалий ттуршийла шагъадат дуккайва.

Ца члумал хъюву ттун ганил уссу Федор хъуна авкьуна. Най унува ганал цувххуна:

- Ттул ссу Ислам къамул дуллали баву тйалассарив? На цанакул вихъ жул дин къамул дува тлурча, цукун биканссар?

- Вил ссу Ислам къамул дуллали на къабав, ганил цинма ччай къамул дуруни, навагу му иширая махлаттал хъура. Ттуца бан шайсса ци-бунугу бивкиссания, на чара бакъа муниву гурттушинна дан хларачат бантиссия. Ттун хъинну ччай бур цинявпагу инсантал тйаласа ххулийх бавчуну, – учав на. Га ттуцал рязигу къавхъуну, клураавну лавгуна.

Зума ритаврил байрандалул кьини на барча бан ттулчан Светал нину дурклуна. Ялун бурган га оьруснал шярва дуркисса хъамитайпалула лашайва, амма ттун клулссакса ганил оьрму шагърулий лавгун бия. Жу столданух щябивкун Светаяту гъалгъа тий буссияв. Ганил арснал Федордул суал дакниину на цлуххав:

- Вилва душнил Ислам къамул даврийн ва га чявуну ттулчан занай бушиврийн ина ци чара?

- На вичлан бувкиссияв ина барчагу буну, вихъ барчаллагъ учин. Исламрах ттул цукунчавсса гъира бакъар, на цумур-дунугу диндалия архсса инсан бунутлий.

Амма ттулва душ вичлан занай бушиврия хъинну ххариссара. Ттун клулли вил чларав ганил цичлав оьккисса къалахъхъиншиву. Хъьичи ва га биклайссия цал цавайннашал, яла цайминнашал хлала бухлай, уттирив ттун клулли ттулва душ мюхчансса кланай бушиву, мунияту на паракъатну бура, – увкуна ганил.

Ттун къащи хъуна, укун тлаансса хъамитайпа Зал ﷻ ушивруй цак тий бушиву, амма цилва душнин къаршину бакъашиврул на ххари буннав.

Гания махъ га ттун цал къатлув хъуна бавкьуна. Ганий дия жунна клулсса чаннану хъахъи диршусса лахъисса бурчул плац.

- Светан ва хъунану дия, ттуннив хъинну даркьунни. Вин къаклулссар ва цукун аьркиннину диркиссарив. Хъунмасса барчаллагъ, – увкуна ганил.

Га хъинну рязину бия шайхнал шарссанил пишкеш дурсса плащрая.

- Му на къадулавхха, Аллагнайн ﷻ щукругу буну, дуаь дува му дуллуманаха, – учав на.

- Ттун къаклулли Аллагнайн ﷻ щукругу цукун бантиссарив, вихъ цал уттигу барчаллагъ, – увкуна ганил.

(гихунмайгу буссар)

